

## **Kalaallit Nunaanni eqqartuussisuserisut inatsisilerinermik ikiuuttarnerat pillugu nalunaarut**

Kalaallit Nunaanni pinerluttulerinermik inatsimmi § 84, imm. 3 aamma 4, tak. inatsisitut nalunaarut nr. 1581 decembarip 13-anni 2016, malillugu aalajangersarneqarpoq:

### *Eqqartuussisuserisut inatsisilerinermik ikiorsiisartut*

**§ 1.** Kalaallit Nunaani pinerluttulerinermik inatsimmi § 84, imm. 1 malillugu advokatit Kalaallit Nunaanni iluaqutissatut naatsorsuutigineqartumik allaffillit, eqqartuussinermi ikiorsiisinnaapput inunnut, aningasaqarnikkut piumasaqaatinik naammassinnittunut, § 254, imm. 3 malillugu aalajangersarneqartunik. Inatsisip tamatuma § 84, imm. 2-ani, advokatit Kalaallit Nunaani allaffillit, aalajangersakkap imm. 1-ianut ilagittinneqanngitsut, oqartussamut justitsministeriap aalajangigaanut nalunaarnikkut, assingusunik pisussaaffeqarsinnaapput.

*Imm. 2.* Kalaallit Nunaani Eqqartuussiviup suliarissavaa nutarterlugulu advokatit allattorsimaffiat, Kalaallit Nunaanni eqqartuussinermi ikiorsiisartut pillugit nalunaarsuineri ingerlaavartumi. Nalunaarsuut taanna Kalaallit Nunaanni Eqqartussivimmi, kredsretini, Kalaallit Nunaani Kommuneqarfiit Kattuffianni (Kanukoka), Kalaallit Nunaanni Naalagaaffiup Sinnisoqarfiani aamma atuakkanik atorniartarfinni qimerloorneqarsinnaalluni saqqumittinneqassaaq. Nalunaarsuut Kalaallit Nunaanni Eqqartussivimmut kredsretinullu saaffiginnikkut tunniunneqarsinnaavoq.

### *Inatsisilerinermik ikiorserneqarnermut aningaasaqarnikkut piumasaqaatit*

**§ 2.** Advokatinik eqqartuussinermi ikiorsiinerinermik aalajangiinerni isertitassatut tunngavissatut atorineqassaaq Isertitanit akileraarutit Inatsisartut inatsisaanni § 75 aamma Isertitat B-t Inatsisartut inatsisaanni § 74 Isertitat A-t katinernerat 10.000 kr.-nik ilanngaateqarnikkut, tak. Inatsisartut isertitanit ilanngaatit pillugit inatsisaanni § 21, imm. 1 ilanngaatit tamanut atuuttut, ilanngullugit kalaallit ingerlatseqatigiiffiinit iluanaarutaasinnaasut, tamatumani ilagittinneqarlutik iluanaarutitut ilanngaatit, tak. Inatsisartut isertitanit akileraarutit pillugit inatsisaanni § 86.

*Imm. 2.* Imm. 1-mi naatsorsuineri atorineqassapput isertitat, ukiumi siuliani inaarutaasumik nalunaarsuummi saqqumisut, aamma ukiumi pineqartumi kalaallit ingerlatseqatigiiffiini iluanaarutitut uppersaatit.

*Imm. 3.* Eqqartuussinermi ikiorserneqassapput inuit, imm. 1-imi isertitaminni tunngavii nalunaarsorsimasut 329.000 kr.-nit ikinnerusullunniit. Eqqartuussinermi ikiorsigassaq inooqateqarpat eqqartussivikkut ikiorserneqassaaq, aappariit isertitamikkut tunngavii katillugit kr. 418.000-iuppata ikinnerullutillunniit. Aappariit suliami akerleriissumik soqutigisaqarpat, taamaattoq ikiorserneqartussap nammineq isertitaanni tunngaviusut aamma aappaqanngitsut isertitaannut isertanut killigititat. Katissimanermut imaluunniit angajoqqaatut oqartussaanermut tunngasunik suliani, tak. Kalaallit Nunaanni eqqartussisarnermik inatsimmi kapitali 27, qinnuteqartup nammineq isertitamigut tunngavii aamma aappaqanngitsunut isertitanut killigititat aamma atorsinnaapput.

*Imm. 4.* Imm. 3-mi kisitsisit 57.000 kr.-nik annertusisinneqarsinaapput qitornanut ataasiakkanut tamanut, tassunga ilagitillugit qitornarsiat aamma meeqqat paarisat, 18-it inorlugit ukiullit, ikiorserneqartussap najugaani najugallit imaluunniit taassumanga annerusumik pilersorneqartut.

§ 3. Ikiorserneqartussap maanna isertitanut paasissutissanit pigeriikkanit isertitanut § 2, imm.1-imi nalunaarsuutitut atugassanit annertuumik nikingappata, maanna isertitanut tunngavissatut atorneqassaaq.

§ 4. Advokatimut eqqartuussivimmi ikiorserneqarnissamik saffiginninnermi eqqartuussivimmi ikiorserneqarnissamik noqqaasup takutissavaa akileraaruserinnermi oqartussanit 2017-imi inaarutaasumik nalunaarsuut. Eqqartuussisutigut ikiorserneqarnissamik noqqaasup inooqataa inuuppat, inoqataasumut inaarutaasumik nalunaarut takutinneqassaaq. Tamannali atussanngilaq aappariit suli-amut tunngasumi akerleriissuteqarpata.

*Imm. 2.* Ikiorserneqarnissamik inooqataanulluunnit inaarutaasumik nalunaarsuutininik naammassinnittoqarsimanngippat, imaluunniit ikiorserneqarnissamik noqqaasup § 3-mi atortuutinniarpagu, maannakkut isertatinut tunngasut takutinneqassapput.

*Imm. 3.* Immikkut tuaviuuttariaqartunik peqartillugu, naak imm. 1-imi 2-miluunnit takussutissanik takutitsisoqanngikkaluartoq, eqqartuussinermi ikiorsiisoq § 5, imm. 1 malillugu, ilimagineqarsimappat aningaasaqarnikkut piunasaqaatit naammassineqarsimasut.

*Inatsisilerinnermik ikiorsiinnermi suliaqarfii annertussusiallu*

§ 5. Eqqartuussisutigut ikiorsiineq pisarpoq oqalulluni siunnersuinnermi aamma pissusissamisoortunik allakkatigut saaffiginnissutinik ataasiakkanik suliaqarneq, tassunga ilatigillugit akeqanngitsumik eqqartuussisutigoortitsineq, eqqartuussisutigoortitsinnermi allagaatit, najugarisamik agguuasinnermi isumaqatigiissutinik inaarsaaneq, kingornussisitsinissamik aalajangersaanerit aamma aappariit isumaqatigiissutit.

*Imm. 2.* Kalaallit Nunaanni Eqqartuussivimmit sioqqutsilluni akuersissuteqareernikkut ilassutaasunik eqqartuussisutigut ikiorsiissappat, pissutsit tamaattariaqalersippassuk, tassunga ilagitillugu taamaattariaqarneranik missiliuisoqartoq suliaq isumaqatigiinnikkut eqqartuussisutigoortitsinani naammassineqarsinnaasoq.

*Imm. 3.* Eqqartuussisutigoortitsinnermi makununnga ikiorsiissuteqartoqarsinaanngilaq:

- 1) Unnerluussutigineqartoq imaluunnit eqqartussinermi pinerluttulerinnermi pineqaatissiinnermilu tunniuneqartoq pisortanit unnerluutiginninnikkut,
- 2) Inuussutissarsiummik ingerlatsinnermi ingerlatsisup suliassaatai inuussutissarsiutaanerumut attuumassutillit,
- 3) Suliat akiitsukkanik isumannaajaanermut tunngasut aamma
- 4) Suliat pisortatigut ingerlatsinnermi oqartussasunut tunngasut imaluunnit suli suliarineqartut, ilimagineqarpat oqartussaasumit pisariaqartitsineq malillugu aqutissiorneqarsinnaasut ikiorserneqarsinnaasullu.

*Imm. 4.* Imm. 3, nr. 4 pineqaraluarpullunniit, taamaattoq eqqartuussisutigut ikiorsiisoqarsinnaavoq pisortatigut ingerlatsinerup aalajangerneranut naammagittaalliornermut.

*Imm. 5.* Eqqartuussisutigit ikiorserneqarnermik noqqaasoq suliami nalinginnaasumik eqqartuussisutigoortitsinermi ikiorserneqarsinnaavoq imm. 1 malillugu aamma annertusisamik eqqartuussisutigoortumik ikiorserneqarsinnaanermik imm. 2 malillugu, imaassimappat piumasaaqaatit naammassineqarsimasut.

*Imm. 6.* Eqqartuussisutigit ikiorsiineq atortinneqarsinaangilaq, sioqqutsilluni erseqqippat suliaq naammassineqarsinnaangitsoq § 6-imi aningasartuutissatigit missingersuutit iluanni. Taamaattoq eqqartuussisutigoortitsinermit tapiissutinik tunniussisoqarsinnaavoq, advokati siunnersuinermini tulluuttunik missingiuisimappat, suliaq killigitat iluanni naammassineqarsinaatillugu.

**§ 6.** Advokati § 5, imm. 1 malillugu tamanut atuuttumik eqqartuussisutigit ikiorsiisinnavoq, 1.110 kr. angullugu akissarsinikkut.

*Imm. 2.* Kalaallit Nunaanni Eqqartuussivimmit sioqqutsisumik akuerineqarnikkut advokati annertusisamik eqqartuussivimmi ikiorsiisinnavoq § 5, imm. 2 malillugu, 2.550 kr. angullugu akissarsinikkut.

*Imm. 3.* Kalaallit Nunaanni Eqqartuussiviup pissutsit atuuttut naapertorlugit imm. 1 aamma 2 malillugit akissarsiat aalajangersarsinnaavai, marloriaat angullugu, siunnersuinermi pisariaqartutut missingerneqarpat suliap annertussusia pissusialu naapertorlugit.

#### *Aalajangersakkat assigiinngitsut*

**§ 7.** Advokatip eqqartuussisutigit ikiorsiinissaq piumanngissinnaavaa, imaassimappat eqqartuussisutigit ikiorserneqarnissamik noqqaasup piumasai malunnartumik tunngavissaqanngipata, imaluunniit imaassimappat suliap naammassinissaa advokatitut ileqqorissaanermut akerliusoq.

**§ 8.** Immikkorluinnaq pisoqartinnagu, advokati una nalunaarut naapertorlugu akissarsisinaangilaq suliami ataatsimi sullitaq ataaseq qaangerlugu.

**§ 9.** Kalaallit Nunaanni Eqqartuussiviup advokatit akilertassavai § 6 naapertorlugu.

*Imm. 2.* Advokatip immersugassaq immersussavaa Kalaallit Nunaanni Eqqartuussivimmit suliami pineqartumi atugassaq. Immersugassaq ilusilerneqassaaq Civilstyrelsenimit.

*Imm. 3.* Kalaallit Nunaanni Eqqartuussiviup, immikkorluinnaq pissutissaqartillugu, aamma pingaartumik § 5, imm. 2 malillugu annertusisamik eqqartuussinermi ikiorsiisoqartillugu, advokati piumasaaqarfigisinnaavaa suliamut tunngasunik nassuiaateqaqqullugu, akissarsiassat tunniunneqartinnagit.

**§ 10.** Nalunaarut atuutilerpoq januaarip 1.-anni 2019-imiit, taamaalilluni tamatumani aalajangersakkat atuuttussanngorlugit eqqartuussinermi ikiorsiinernut ullup taassuma kingornatigit.

*Imm. 2.* Nalunaarut nr. 1460 decembarip 11.-anni 2017-imeersoq Kalaallit Nunaanni eqqartuussisuserisut inatsisilerinermik ikiuuttarnerat pillugu nalunaarut atuukkunnaarsinneqarpoq.

*Justitsministeriap, novembarip 28-anni, 2018*

Søren Pape Poulsen

/ Cecilie Maarbjerg Qvist